

Up/ I broj: 06- 18- 461/18  
Mostar, 11. 9. 2018. godine

Federalno ministarstvo energije, rudarstva i industrije, na osnovu člana 37. stav 4. Zakona o rudarstvu Federacije Bosne i Hercegovine ("Službene novine Federacije BiH", broj 26/10), Pravilnika o uslovima koje u pogledu kadrova i tehničke opreme moraju ispunjavati organizacije koje vrše periodične preglede i ispitivanja iz oblasti zaštite na radu („Službeni list SRBiH“ broj 2/91) i člana 200. Zakona o upravnom postupku ("Službene novine Federacije BiH", br. 2/98 i 48/99) rješavajući po zahtjevu „MULTITEH-INŽENJERING“ d. o. o. Zenica, Envera Čerkeza 2, Zenica, broj 27-07/2018 - KM za izdavanje dozvole za vršenje periodičnih pregleda, mjerenja i ispitivanja oruđa za rad i uređaja, fizičkih, hemijskih i bioloških uticaja i izdavanje odgovarajućih isprava u rudarstvu d o n o s i

## R J E Š E N J E

1. Izdaje se dozvola „MULTITEH-INŽENJERING“ d. o. o. Zenica za vršenje periodičnih pregleda, mjerenja i ispitivanja oruđa za rad i uređaja, fizičkih, hemijskih i bioloških uticaja i izdavanje odgovarajućih isprava u rudarstvu, u rudarskim objektima koji nisu ugroženi metanom i opasnom ugljenom prašinom za:

1.1. Periodični pregled i ispitivanje sredstava rada i sredstava lične zaštite, mašina i uređaja za obradu metala, transportnih sredstava, bagera, kranova, rudarsko –građevinskih mašina, grabuljastih i ostalih transportera

1.2. Ispitivanje fizičkih, hemijskih i bioloških štetnosti u radnim i pomoćnim prostorijama

1.3. Izdavanje odgovarajućih isprava iz oblasti zaštite na radu

2. Zapisnici i isprave koje se izdaju poslije izvršenih periodičnih pregleda i ispitivanja moraju biti u skladu sa odredbama Pravilnika o načinu i postupku vršenja periodičnih pregleda i ispitivanja iz oblasti zaštite na radu.

## Obrazloženje

Federalnom ministarstvu energije, rudarstva i industrije „MULTITEH-INŽENJERING“ d. o. o. Zenica, Envera Čerkeza 2, Zenica podnio je zahtjev broj 27-07/2018 - KM za izdavanje dozvole za vršenje periodičnih pregleda, mjerenja i ispitivanja oruđa za rad i uređaja, fizičkih, hemijskih i bioloških uticaja i izdavanje odgovarajućih isprava u rudarstvu u skladu sa članom 48. Zakona o rudarstvu Federacije Bosne i Hercegovine.

Federalno ministarstvo energije, rudarstva i industrije, u postupku rješavanja zahtjeva, rješenjem Up/I broj: 06-18-461/18 od 6. 8. 2018. godine imenovalo je stručnu komisiju (unastavku teksta: Komisija) sa zadatkom da na licu mjesta, uvidom u opća akta i tehničku dokumentaciju, radne prostore i tehničku opremljenost, kadrovsku i stručnu osposobljenost, utvrdi da „MULTITEH-INŽENJERING“ d. o. o. Zenica ispunjava uvjete vršenja periodičnih pregleda, mjerenja i ispitivanja oruđa za rad i uređaja, fizičkih, hemijskih i bioloških uticaja i izdavanje odgovarajućih isprava u rudarstvu prema Pravilniku o uslovima koje u pogledu kadrova i tehničke opreme moraju ispunjavati organizacije koje vrše periodične preglede i ispitivanja iz oblasti zaštite na radu.

Komisija je dana 31. 8. 2018. godine na licu mjesta izvršila uvid u opća akta i tehničku dokumentaciju, radne prostore i tehničku opremljenost, kadrovsku i stručnu osposobljenost o čemu je zajedno sa ovlaštenim predstavnicima podnosioca zahtjeva sačinila Zapisnik Up/I broj: 06 -18- 461/18 od 31. 8. 2018. godine.



Uvidom je utvrđeno:

> da je „MULTITEH-INŽENJERING“ d. o. o. Zenica upisan u registar poslovnih subjekata kod Općinskog suda u Zenici;

> da su izrađene Metodologije vršenja periodičnih pregleda i ispitivanja;

> da su doneseni: Pravilnik o organizaciji i sistematizaciji radnih mjesta, broj: 80/01/2018 od 20.1. 2018. godine, Pravilnik o zaštiti na radu, broj: 80-08/2018 od 20.1. 2018. godine, Pravilnik o zaštiti od požara, broj:101/2017 od 28.11. 2017. godine i Pravilnik o nabavci, korištenju, održavanju i vrstama lične zaštitne opreme za zaštitu na radu zaposlenika broj:120/2017 iz septembra 2017. godine;

> da „MULTITEH-INŽENJERING“ d. o. o. Zenica u radnom odnosu ima radnike sa visokom stručnom spremom, radnim iskustvom i položenim stručnim ispitom (ukupno 20 radnika) kao i opremu za obavljanje navedenih poslova,;

> da „MULTITEH-INŽENJERING“ d. o. o. Zenica posjeduje potrebnu tehnološku opremu (računari, pisači, kopir aparati i dr.), zakone, pravilnike i standarde, i da za obavljanje navedene djelatnosti koristi zatvoreni poslovni prostor površine 726 m<sup>2</sup>, i otvoreni skladišni prostor površine 800 m<sup>2</sup>.

Nadalje u Zapisniku je naveden nedostak koji uvjetuju izdavanje dozvole i to :

> Predloženi izgled i sadržaj isprava (zapisnik i upotrebna dozvola) nisu upotpunosti usklađeni sa važećim Pravilnikom o načinu i postupanju vršenja periodičnih pregleda i ispitivanja iz oblasti zaštite na radu („Službeni list SRBiH“, broj 02/91).

Za otklanjanje navedenog nedostatka „MULTITEH-INŽENJERING“ d. o. o. Zenica ostavljen je rok od petnaest dana odnosno do 15. 9. 2018. godine o čemu će privredno društvo pismeno obavijestiti Federalno ministarstvo energije, rudarstva i industrije.

Privredno društvo „MULTITEH-INŽENJERING“ d. o. o. Zenica aktom broj: 05-09/2018-KM od 7. 9. 2018. godine obavijestilo je ovaj organ da je nedostatak navedeni u Zapisniku Up/ I broj: 06- 18- 461/18 od 31. 8. 2018. godine otklonjen.

Na temelju ovako utvrđenog činjeničnog stanja i odredbi čl. 48. Zakona o rudarstvu Federacije BiH, Pravilnika o uslovima koje u pogledu kadrova i tehničke opreme moraju ispunjavati organizacije koje vrše periodične preglede i ispitivanja iz oblasti zaštite na radu, Pravilnika o načinu i postupku vršenja periodičnih pregleda i ispitivanja iz oblasti zaštite na radu, obavijesti broj: 05-09/2018-KM od 5. 9. 2018. godine, i člana 200. Zakona o upravnom postupku riješeno je kao u dispozitivu ovoga Rješenja.

Protiv ovog rješenja ne može se izjaviti žalba, ali se može pokrenuti upravni spor podnošenjem tužbe Županijskom sudu u Mostaru-Kantonalnom sudu u Mostaru u roku od 30 dana od dana prijema rješenja

Na osnovu Zakona o federalnim upravnim taksama i Tarifi federalnih upravnih taksi („Službene novine Federacije BiH“, br. 6/98, 8/2000, 45/10, 43/13 i 98/17) po tarifnom broju 19. tačka 4, naplaćena je federalna upravna taksa na rješenje u iznosu od 50,00 KM preko računa javnih prihoda budžeta Federacije BiH, a dokazi o uplati nalaze se u spisu predmeta.

Dostaviti:

1. „MULTITEH-INŽENJERING“ d. o. o. Zenica  
Envera Čerkeza 2, Zenica
2. Federalna uprava za inspekcijske poslove  
Federalni rudarsko, termo i elektro-energetski inspektorat  
Fehima ef. Ćurčića 6, Sarajevo
3. 06;
4. a.a.

